

## 新 24 孝子

阿新：透早就出門，天色已經光，行到 舞台頂，欲講〈新 24 孝子〉

阿孝：(用倒手咧扒正手，正手咧扒倒手：做扒癢的動作出場)

阿新：阿孝你是按怎咧，若遠遠就看著你咧扒癢，敢講你攏無咧洗身軀 sioh？

阿孝：哎唷 uē-ah，你是毋通烏白亂亂講 neh，按呢會將我的好名聲拍歹去喔。

阿新：我烏白講。你看你看，你若遮清氣相有洗身軀，若按呢，你這兩枝手若會去予蠓仔叮到親像紅豆冰咧？

阿孝：大人，冤枉啦，

阿新：冤枉？敢講你有啥物冤情欲申訴咧？速速講出，待我判決。

阿孝：阿新，話若欲講透 ki，目屎就掰欲離，咱…我是…我是…，講予你聽啦：王猛（bīng）用身來飼蠓，這種孝心名聲響，啦啦 tòng tòng 啦啦 tòng tòng。向望嘛有有孝名，學伊用身來飼蠓，學伊用身來飼蠓。

阿新：(喙開開，面做著驚的模樣) 啥物！你講你是學古早的王猛，用家己的身軀來飼蠓，是為著莫（mài）予蠓咬著你的序大，予 in 會當安心落眠喔！

阿孝：是阿，你看，我這片的孝心你若會當共我誤會咧？

阿新：嗯，聽起來是真有孝啦，毋過，你這種有孝叫做擔肥去市仔一袂使。

阿孝：我看你是紅龜生蟲一龜怪(奇怪)啦。是按怎講我袂使有孝我的序大人咧？

阿新：阿孝，你聽無著矣啦，有孝序大人當然是會使嘛值得呵咾，毋過古早佮現代是無相仝？

阿孝：是按怎講古早佮現代是無相仝咧？敢講有孝嘛愛綴時代的跔步行？

阿新：規樣好好無剉(錯)，古早，王猛 厝因為散赤(tshiah)無 蠔罩通閘(tsa<sup>1</sup> h)蠔，所以才會褪腹裼用伊的身軀飼蠔，想講伊按呢做蠔仔就袂飛去叮伊的老爸，這佇古早是真值得呵咾的代誌。毋過…

阿孝：毋過啥物咧？

阿新：阿孝，你最近敢有咧看電視新聞？

阿孝：電視新聞？敢講有啥物大新聞是我毋知 eh？敢會使講來鼻芳一下。

阿新：當然無問題矣。我共你講 ooh，最近咱臺灣有真縣市攞有發生天狗熱的病例。

阿孝：天狗熱？啥物是天狗熱？

阿新：天狗熱就是咱人若是予帶有天狗熱病毒的蠔仔咬著，若病情嚴重

就會引起真懸的發燒，這著叫做天狗熱。

阿孝：你按呢講，我知矣，這個新聞我有聽過。毋過這佢我用手飼蠓，  
莫予蠓去叮我的序大有啥關係咧？

阿新：講到你捌喙鬚就予拍結。

阿孝：敢有遮歹捌 sioh？

阿新：哎（aih），話若欲講透 ki 目屎就捌袂離？

阿孝：你沓（t'auh）沓仔講，我詳細聽。

阿新：阿孝你敢閣會記得，咱拄才仔講天狗熱會予咱引起真懸的發燒以  
外，身軀的肉閣會疼甲親像骨欲斷去仝款。

阿孝：對 hoonn！天狗熱是遮恐怖呢！

阿新：是啊，所以我聽你講你用你的雙手去飼蠓，這敢毋是食红柿配燒  
酒—存辦死咧？

阿孝：若按咧，我閣會當用啥物辦法來有孝我的序大咧？

阿新：這真簡單矣，你看我我有法寶喔。阿孝你看，這是啥？

阿孝：這毋就是電蠓仔拍。你提電蠓仔拍是欲做啥咧？

阿新：電蠓仔拍當然是欲電蠓仔矣。

阿孝：是按怎欲用電蠓仔拍咧？

阿新：噴蠓仔水抑是點蠓仔香嘛是會使，毋閣愛做好安全設施，按呢才  
袂將藥水噴著家己。若是用電蠓仔拍就無這種問題，你講用電蠓  
仔拍來電蠓仔是毋是較衛生咧？

阿孝：阿新你真正是烏斫仔貯豆油——看袂出，毋知影你遮有內材，實在失敬失敬。

阿新：到今你才知，人講：「烏 嬌嬌佇毛彩，人嬌嬌佇內材」，就是咧講我這種的啦。

阿孝：才褒你幾句爾，尾睂就隨翹起來，你嘛小控制咧。

阿新：阿孝若按呢，這枝電蠔仔拍就送你囉，予你做一个有衛生、有健康、有方法的現代新 24 孝子，你講好無？

阿孝：當然好矣，阿新你對我足好呢，猶是你了解我。

阿新：有孝父母有作方，身軀飼蠔第一戇，

阿孝：電蠔仔拍提來用，保證好睏入夢鄉。

阿新&阿孝：阿新&阿孝落臺行禮。